



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ



« 12 » 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 0 3 - 2 1

Ձեռնարկողը՝

«Հայնախագիծ» ԲԲԸ

ք. Երևան, Չարենցի 1

Գործունեությունը՝ «Վայոց ձոր-1» միկրոռեգիոնալ մակարդակի
համակցված տարածական պլանավորման
փաստաթղթերի (ՄՄՀՏՊՓ) շրջակա միջավայրի վրա
ազդեցության ռազմավարական գնահատման
հաշվետվություն
Վայոց ձորի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

թիվ ԲՓ **0 0 0 3 - 2 1**

< 12 > 01 2021թ.

**Վայոց ձորի մարզի «Վայոց ձոր-1» միկրոռեգիոնալ մակարդակի համակցված
տարածական պլանավորման փաստաթղթերի (ՄՄՀՏՊՓ) շրջակա միջավայրի վրա
ազդեցության ռազմավարական գնահատման հաշվետվություն**

Ձեռնարկող՝	«Հայնախագիծ» ԲԲԸ
Ներկայացված նյութեր՝	ՄՄՀՏՊՓ նախագծեր, շրջակա միջավայրի վրա ազդեցության ռազմավարական գնահատման /ՇՄԱՌԳ/ հաշվետվություն
Փաստաթղթի տեսակը՝	Հիմնադրության փաստաթուղթ
Իրականացման վայրը՝	Վայոց ձորի մարզի «Վայոց ձոր-1» միկրոռեգիոնում ընդգրկված Ջերմուկ քաղաք և 4 գյուղական համայնքներ

Ներածական մաս. Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 1-ին մասի՝ «Վայոց ձոր-1» ՄՄՀՏՊ փաստաթուղթը հանդիսանում է քաղաքաշինության բնագավառին վերաբերող հիմնադրության փաստաթուղթ:

«Վայոց ձոր-1» ՄՄՀՏՊ փաստաթղթերի նախագծերը ներառում են՝ Ջերմուկ քաղաքը և Գնդևազ, Կարմրաշեն, Կեչուտ, Հերիեր գյուղական բնակավայրերը:

«Վայոց ձոր-1» ՄՄՀՏՊ նախագիծն ընդգրկում է 49940,53 հա մակերեսով տարածք, որտեղ բնակչության թիվը ներկայումս կազմում է 6624 մարդ: Տարածքում առկա են բնական, բուժական, առողջապահական, հանքահումքային ռեսուրսներ:

ՄՄՀՏՊ նախագծի հիմնական նպատակն է՝ միկրոռեգիոնում ներառված համայնքների տարածքներում տարածական պլանավորման միջոցով բարենպաստ կենսամիջավայրի ձևավորումը, կայուն զարգացման համար անհրաժեշտ նախադրյալների ստեղծումը, ինչպես նաև համայնքների սոցիալ-տնտեսական զարգացմանը և շրջակա միջավայրի և պատմամշակութային արժեքների պահպանմանն ուղղված միջոցառումների մշակումը: Սույն փաստաթղթի շրջակա միջավայրի վրա ազդեցության ռազմավարական գնահատման վերլուծությունները կատարվել են նախագծի դրույթներին համապատասխան, հաշվի առնելով ծրագրում ներառված համայնքների 2017-2021 թթ. զարգացման ծրագրերը: Ծրագրում ընդգրկված գյուղական համայնքների տարածքային քաղաքաշինական խնդիրների լուծման և շրջակա միջավայրի պահպանության արդյունավետ կազմակերպման համար փաստաթղթում համալիր կերպով գնահատվել են գոյություն ունեցող իրավիճակը և առկա բնապահպանական խնդիրները և ընտրվել են զարգացման այնպիսի սկզբունքներ, որոնք թույլ կտան ներդաշնակորեն լուծել սոցիալական, տնտեսական և բնապահպանական խնդիրները:

Նկարագրական մաս. Վայոց ձորի մարզի դիտարկվող տարածքը բնորոշվում է անհարթ ռելիեֆով, դարաավանդերով և առանձնացող լեռնաշղթաներով, գագաթներով և կիրճերով: Դիտարկվող տարածքն աչքի է ընկնում Հայաստանի բնաշխարհի հարուստ կենսաբազմազանությամբ, երկրաբանական և լանդշաֆտային օբյեկտներով:



գիտաճանաչողական բարձր արժեքներով, առողջապահական, ռեկրեացիոն ռեսուրսներով: Տարածաշրջանի ջրային ռեսուրսները կազմավորվում են մակերևութային հոսքից և ստորերկրյա ջրերից: Դիտարկվող տարածքում գեոդինամիկ երևույթներից տարածված են սողանքները, քարահոսքերը, հեղեղները: Քարահոսքերը տարածված են հիմնականում Ջերմուկ քաղաք տանող հին ճանապարհի լանջերին: Տարածքում գրունտի առավելագույն արագացումները գտնվում են 0.2g-0.3g տիրույթում:

Միկրոռեգիոնի տարածքով հոսում է Արփա գետը, որը պատկանում է Արաքսի ավազանին: Տարածքի կարևորագույն առանձնահատկություններից է անտառներով շրջապատված լինելը: Ջերմուկի լեռնային անտառներն ունեն բացառիկ բնապահպանական (հողապահպան, ջրապահպան, կլիմայակարգավորիչ, առողջարարական) և կուրորտային նշանակություն: Ջերմուկ քաղաքին հարակից տարածքներում են գտնվում երկու բնության հատուկ պահպանվող տարածքներ՝ «Ջերմուկի ջրաբանական» արգելավայր և «Ջերմուկի» արգելավայր:

Ներկա իրավիճակում միկրոռեգիոնի բնակչության հիմնական զբաղմունքն է՝ բուսաբուծությունը, այգեգործությունը, անասնապահությունը, հացահատիկի մշակությունը, հողագործությունը, մեղվաբուծությունը, հանքային ջրերի արտադրություն և առևտուրը: Միկրոռեգիոնում ընդգրկված գյուղերում և Ջերմուկ քաղաքում ռեսուրսների հիմնական տեսակները ներառում են՝ ջրեր, հող, գեղատեսիլ և տեսարժան վայրեր՝ տուրիզմի զարգացման համար:

Միկրոռեգիոնի տարածքում առկա են ոչ մետաղական /հրաբխային խարամ, ավազակոպիճ, բազալտ և այլն/, մետաղական /ոսկեբեր քվարցիդներ, բազմամետաղային՝ Ամուլսարում/ և հանքային ջրերի հանքավայրեր /ք. Ջերմուկ, գ. Հերիեր/, որոնց մեծ մասը ներկայումս չեն գործում: Հանքավայրերի շահագործման հետևանքով խախտված տարածքներն իրենց բացասական ազդեցությունն են թողնում շրջակա միջավայրի վրա: Գետային էկոհամակարգի վրա իրենց բացասական ազդեցություն են թողնում Արփա գետի ավազանում կառուցված հիդրոէլեկտրոկայանները, որոնք փոխում են գետի ռեժիմը:

«Վայոց ձոր-1» միկրոռեգիոնի գյուղական համայնքներում առկա են սոցիալ-կենցաղային, ինժեներատրանսպորտային և կոմունալ ենթակառուցվածքների հետ կապված հիմնախնդիրներ, որոնց համար համայնքների զարգացման ծրագրերում սույն փաստաթղթով առաջարկվել են հեռանկարային զարգացման ուղղություններ:

Ծրագրում ընդգրկված համայնքների սոցիալական միջավայրի և շրջակա միջավայրի վրա տեխնաձին ազդեցության հիմնական գործոններ են հանդիսանում.

- մթնոլորտային օդի աղտոտումն արդյունաբերական ձեռնարկությունների, բնակելի հատվածի ջեռուցման և ավտոտրանսպորտի արտանետումներով,
- մակերևութային ջրերի աղտոտումն արտադրական հոսքաջրերով և կենցաղային կեղտաջրերով,
- հողերի աղտոտումը կոշտ կենցաղային թափոններով,
- աղմուկը,
- անտառի անկանոն օգտագործումը, ինչն էներգետիկ ճգնաժամի տարիներին հանգեցրել է անտառային տարածքների և կենսաբազմազանության կրճատմանը:

Շրջակա միջավայրի վրա վնասակար ազդեցություն ունեցող բնական գործոններից են հանդիսանում՝ սողանքները, սելավները և հողերի էրոզիան:

Ներկայումս «Վայոց ձոր-1» միկրոռեգիոնում ընդգրկված համայնքներում մթնոլորտային օդն աղտոտվում է արդյունաբերական ձեռնարկությունների, բնակելի և հասարակական շենքերի ջեռուցման անհատական սարքերի և ավտոտրանսպորտի արտանետումներով: Մթնոլորտ արտանետումների 95,2%-ը բաժին է ընկնում ավտոտրանսպորտին: ՄԱՐԿՏՊ



Նախագծով նախատեսված հողերի նպատակային նշանակության, հողատեսքերի գործառական նշանակության փոփոխությունները ներկայացվում են ստորև.

«Վայոց ձոր-1» հիմնական տեխնիկատնտեսական ցուցանիշներ

Արմավիր -5 հիմնական տեխնիկատնտեսական ցուցանիշներ (Ձև 3)			
Ցուցանիշը	միավոր	ճաստացի	Հեռանկարային
1	2	3	4
համայնքի, համակցված փաստաթղթի դեպքում նախագծվող համայնքների վարչական սահմաններում ընդգրկված հողերի ընդհանուր մակերեսը	հա	49940.53	49940.53
բնակավայրերի հողեր	հա	660.6	656.9
արդյունաբերության, ընդերքօգտագործման եվ այլ արտադրական նշանակության հողեր	հա	1338.55	1340.1
երգետիկայի, կապի, տրանսպորտի, կոմունալ ենթակառուցվածքների հողեր	հա	103.74	122.41
հատուկ պահպանվող տարածքների հողեր	հա	17294.47	17341.18
հատուկ նշանակության հողեր	հա	0.00	0.00
գյուղատնտեսական նշանակության հողեր	հա	24854.88	24789.07
անտառային հողեր	հա	5444.86	5447.44
ջրային հողեր	հա	243.43	243.43

Հողի աղտոտման հիմնական աղբյուրներն են հանդիսանում ավտոտրանսպորտի, արդյունաբերական ձեռնարկությունների փոշեգազային մթնոլորտային արտանետումները, ինչպես նաև արդյունաբերական և կենցաղային թափոնները: Համաձայն համայնքների տարածքների հողերի գնահատման արդյունքների վերլուծությունների՝ հողերն աղտոտված չեն ծանր մետաղներով, հողերի աղտոտվածության մակարդակը գնահատված է ցածր, էկոլոգիական իրավիճակը՝ բավարար: Հեռանկարում, տարածական պլանավորման նախագծերի իրականացման արդյունքում հողերի աղտոտվածության մակարդակի և նոր արդյունաբերական ձեռնարկությունների թվի զգալի ավելացում չի նախատեսվում: Բնակչության թվի ավելացման հետ կապված կգարգանա անասնապահությունը և հողագործությունը, սակայն արդյունքում օդի, հողային և ջրային պաշարների աղտոտվածությունը չի ազդի տարածքի էկոլոգիական վիճակի վրա և տարածքը կմնա որպես թույլ աղտոտվածության գոտի:

«Վայոց ձոր-1» միկրոռեգիոնի տարածքում բազմաթիվ ընդերքօգտագործողների կողմից ընդերքօգտագործման աշխատանքների արդյունքում լանդշաֆտը ենթարկվել է դեգրադացիայի՝ բացասական ազդեցություն թողնելով շրջակա միջավայրի վրա և մակերևույթային հոսքերի հիդրոլոգիական ռեժիմի վրա: Հեռանկարային ժամանակահատվածում նախատեսված է վերականգնել միկրոռեգիոնի տարածքում շահագործված և շահագործվող օգտակար հանածոների հանքավայրերի խախտված տարածքները: Ռեկուլտիվացման/վերականգնման աշխատանքները կներառեն երկու փուլեր՝ կենսաբանական և տեխնիկական: Կենսաբանական եղանակը կկիրառվի այն գրունտների համար, որտեղ էրոզիան կանխարգելվի նպատակով անհրաժեշտ կլինի ստեղծել բուսական շերտ: Հողի աղտոտման կանխարգելման և հակաէրոզիոն միջոցառումների շարքին են դասվում համայնքային տարածքների կանաչապատումը, թափոնների կառավարումը և այլն:

Հողային ռեսուրսների պահպանության նպատակով կարևոր է հողերի նպատակային օգտագործումը, հողերի պահպանության և օգտագործման պետական վերահսկողության կատարելագործումը՝ ստեղծելով խախտված հողերի վերականգնման հիմնադրամ, ապահովել



արոտավայրերի ընդհանուր օգտագործման սզբունքները, ինչպես նաև կանխարգելի տարբեր ախտոտիչների վտանգավոր ազդեցությունը հողերի վրա:

Միկրոռեգիոնի բնակավայրերում սանիտարական մաքրման ենթակա տարածքը կազմում է 660,6 հա մակերես, իսկ գործող աղբավայրերի ընդհանուր քանակը հինգն է (արտոնված և չարտոնված): Դրանց զգալի մասը նախատեսվում է կոնսերվացնել և հեռանկարում մարզի կտրվածքով պահպանել երկու հիմնական աղբավայրեր: «Վայոց ձոր-1» միկրոռեգիոնի գյուղական համայնքներում ներկայումս աղբահանությունը կատարվում է անկանոն ձևով՝ համայնքներում ստեղծելով հակասանիտարական վիճակ: Համայնքներում առաջացող կենցաղային կոշտ թափոնների տարեկան քանակը ներկա իրավիճակում՝ 6624 մարդու հաշվարկով կազմում է 1656 տ/տարի: Հեռանկարում, 7287 մարդ բնակչության թվաքանակի դեպքում թափոնների ընդհանուր հեռանկարային քանակը կկազմի~1822տ/տարի: Արդյունաբերական թափոնների ընդհանուր քանակը կկազմի 6,3 տ/տարի, որից ոչ օգտագործելի թափոնների քանակը՝ 5.0 տ/տարի, ինչը ներկայում նույնպես հեռացվում են կենցաղային թափոնների աղբավայր, քանի որ համայնքները չունեն արդյունաբերական թափոնների համար համապատասխան աղբավայր: Օրգանական ծագման թափոններ են առաջանում առողջապահության բնագավառի հաստատություններում, որոնք վնասազերծման նպատակով հանձնվում են այդ թափոնները վերամշակող լիցենզավորված կազակերպությունների:

Վայոց ձորի մարզպետարանը առաջարկում է բոլոր 5 համայնքների համար նախատեսել աղբի հեռացման վայր՝ տեսակավորման և վերամշակման համար:

«Վայոց ձոր-1» միկրոռեգիոնի տարածքում ընդհանուր գերեզմանների թիվը կազմում է 5, յուրաքանչյուր համայնքում տեղակայված է 1 գերեզմանոց, /ընդհանուր 12 հա մակերեսով տարածքում/ որոնցից բոլորը գործող են:

Գերեզմանոցներում ներկայումս սանիտարական պահպանման գոտին ապահովված չէ: Այն հատվածներում, որտեղ ՍՊԳ-ն պահպանված չէ, նախատեսվում է ճանապարհի երկկողմանի սահմանազատում՝ ծառուղիների միջոցով և գերեզմանոցի պարագծով երկշարք ծառապատում:

«Վայոց ձոր-1» միկրոռեգիոնի համայնքների կանաչապատման համակարգի կայուն զարգացման համար անհրաժեշտ է իրականացնել գործողությունների համալիր ծրագիր, որն իր մեջ կպարունակի՝ համայնքապետարաններում մասնագիտացված կառուցվածքային ստորաբաժանման ստեղծումը, նոր տարածքների կանաչապատման իրականացումը՝ նախագծերին և ծրագրերին համապատասխան, ոռոգման համակարգի բարելավումը: Այդ նպատակի համար նախատեսված են ստեղծել այգիներ, կանաչ գոտիով սպորտ-հրապարակներ, շրջանային նշանակության կանաչ գոտիներ և այլն: Նախագծված են նաև մայրուղային ճանապարհների, գերեզմանոցի և այլ օբյեկտների սանիտարական պահպանության գոտիների կանաչապատում:

Ներկա դրությամբ «Վայոց ձոր-1» ՄՄՀՏՊՓ-ում ընդգրկված համայնքներում ընդհանուր օգտագործման կանաչ տնկարկների (գրոսայգիներ, պուրակներ և այլն) ընդհանուր մակերեսը կազմում է 1,5 հա: Հեռանկարում, գյուղական համայնքներում ընդհանուր օգտագործման կանաչ տնկարկների մակերեսը նախագծով կկազմի 3,2 հա, 10 մ²/մարդ, իսկ Զերմուկ քաղաքի համար՝ 4,19 հա 12 մ²/մարդ, հասցնելով ընդհանուր մակերեսը մինչև 7,29 հա:

«Վայոց ձոր-1» միկրոռեգիոնի համայնքներում հեղեղատար կոյուղու բացակայության արդյունքում գարնանային ձնհալի և աշնանային հորդ անձրևների ժամանակ հնարավոր են տարածքների հեղեղումներ: Բնակավայրերին բնորոշ է հեղեղային ձորակների ինչպես նաև սողանքային երևույթների տարածումը: Այս երևույթից խուսափելու նպատակով բոլոր



համայնքերի համար նախագծով առաջարկված է հեղեղատար առուների նախագծում և կառուցում բնակավայրերի, հատկապես կառուցապատված տարածքների համար:

ՇՄԱՌ-Գ հաշվետվությանը կից փաստաթղթերում վերլուծվել է նաև «Վայոց ձոր-1» միկրոռեգիոնալ մակարդակի համակցված տարածքների բնակավայրերին սպառնացող բնածին վտանգները և /կարկուտ, քամի, հեղեղ, սելավ/ վտանգավոր երկրաբանական երևույթները /սողանքներ/ և հնարավոր արտակարգ ռիսկերը և առաջարկվել են կանխարգելմանը և նվազեցմանն ուղղված նախագծային լուծումներ:

Համայնքների տարածքային զարգացման համար առաջնահերթ ընտրվել են այնպիսի ուղղություններ, որոնց համար ներդրումները նպաստավոր կլինեն տարբեր ոլորտների զարգացման համար և կխթանեն.

- արտադրության հիմնական ճյուղերի զարգացմանը,
- հնարավոր ռեկրեացիոն գոտիների կազմակերպմանը,
- շրջակա միջավայրի բարելավմանը և պահպանմանը,
- ինժեներական ենթակառուցվածի, ճանապարհային ցանցի և սոցիալ-կենցաղային համակարգի զարգացմանը,

- պատմամշակութային ժառանգության պահպանությանը,
- բնական և տեխնածին վտանգավոր երևույթներից տարածքի պաշտպանությանը,

- սահմանամերձ տարածքներում բնակչության անվտանգության ապահովմանը,
- ճանապարհների բարելավմանը և բարեկարգմանը:

«Վայոց ձոր-1» տարածաշրջանի զարգացման ծրագրով նախատեսվող աշխատանքները և նախագծային լուծումներ միտված են միկրոռեգիոնի սոցիալական և բնապահպանական իրավիճակի բարելավմանը: Տարածաշրջանում, նախագծային ժամանակաշրջանում շրջակա միջավայրի պահպանության, բնապահպանական իրավիճակի բարելավման և բնակչության կենսամակարդակի բարձրացման համար ծրագրով նախատեսված առաջնահերթ և հեռանկարային միջոցառումները ներառում են.

- երկրորդական և միջգյուղական ճանապարհների ասֆալտապատում և խճապատում, ճանապարհաշինության աշխատանքներ;

- ջրամատակարարման համակարգի և կոյուղու բարեկարգում;
- անձրևաջրերի հեռացման համակարգի նախագծում և կառուցում;
- Ջերմուկ քաղաքում եռամսյակը մեկ՝ շրջակա միջավայրի (օդ, ջուր, հող) մոնիտորինգի կազմակերպում;

- գետեր թափվող տնտեսա-կենցաղային և արտադրական հոսքաջրերի կենսաբանական մաքրման կայանի նախագծում և կառուցում;

- վնասված հասարակական և արտադրական նշանակության շինությունների և կառույցների վերականգնում:

- շահագործվող հիդրոէլեկտրակայանների արդիականացում, ջրառի կետում ջրաչափիչ սարքավորումների տեղադրում՝ գետային էկոհամակարգի պահպանության նպատակով;

- ոռոգման ներքին ցանցի վերականգնում;
- համայնքներում հանգստի գոտիների ստեղծում;
- մսի վերամշակման արտադրամասի ստեղծում(սպանդանոցի կառուցում);
- սանիտարական աղբավայրերի և աղբամշակման գործարանի կառուցում, աղբի տեսակավորում;

- ընդհանուր օգտագործման կանաչապատ տարածքների **ընդլայնում**, ճանապարհի եզրերին, հանգստի գոտիներում կանաչապատման իրականացում:



- մեքենաների տեխնիկական վիճակի վերահսկողության սահմանում, ինչը կնպաստի ավտոտրանսպորտի արտանետումների կրճատմանը;
- ջեռուցման նոր տեխնոլոգիաների կիրառում, ինչը կկրճատի մթնոլորտ արտանետումները մինչև 8,43 տ/տարի,
- ընդերքօգտագործման հետևանքով խախտված տարածքների վերականգնումը/ռեկուլտիվացիան,
- արդյունաբերությունում առաջատար տեխնոլոգիաների ներդրում:

Հեռանկարային ժամանակաշրջանում միկրոռեգիոնում շրջակա միջավայրի բարելավման և աղբահանության միջոցառումներից կարևորվում է՝

- կենցաղային թափոնները հավաքող կազմակերպությունների ցանցի ընդլայնումը,
- մեծ և փոքր բնակավայրերի համար դիֆերենցված աղբահանության միասնական համակարգի ստեղծումը՝ աղբի տեսակավորման, վերամշակման և վնասագործման գործընթացների կիրառմամբ /այդ նպատակի համար Ջերմուկ քաղաքի հարակից 8 հա տարածքում նախատեսվում է աղբավայր՝ կոնսերվացնելով առկա աղբավայրերը/:

Եզրափակիչ մաս: «Վայոց ձոր-1» ՄՄՀՏՊ փաստաթղթում ընդգրկված գյուղական համայնքների համար առաջարկված քաղաքաշինական լուծումների իրականացման և շրջակա միջավայրի պահպանության արդյունավետ կազմակերպման համար, ՇՄԱՌԳ հաշվետվությունում համալիր կերպով գնահատվել են առկա բնապահպանական խնդիրները, գոյություն ունեցող իրավիճակը և ընտրվել զարգացման այնպիսի սկզբունքներ, որոնց միջոցով հնարավոր կլինի ներդաշնակորեն լուծել սոցիալական, տնտեսական և բնապահպանական խնդիրները: Քանի որ նախագծով նախատեսված միջոցառումներն իրականացվելու են արդեն իսկ կառուցապատված բնակելի տարածքներում, հետևաբար նախագծված համակարգերի վերակառուցման աշխատանքների ազդեցությունները կկրեն լոկալ և ժամանակավոր բնույթ, իսկ բուսատեսակներին և կենդանատեսակներին հասցվող վնասը՝ նվազագույն:

Փաստաթղթի փորձաքննական գործընթացին մասնակցել են առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, շրջակա միջավայրի նախարարության համապատասխան ստորաբաժանումները, որոնց կողմից ներկայացված դիտողություններով և առաջարկություններով ՇՄԱՌԳ հաշվետվությունը լրամշակվել է: Ծրագրի ազդեցության ենթակա համայնքների հանրությունը հանրային քննարկումների ձևով մասնակցել է հաշվետվության գնահատման և փորձաքննական գործընթացներին:

«Վայոց ձոր-1» միկրոռեգիոնալ մակարդակի համակցված տարածական պլանավորման նախագիծը ներառում է մշտադիտարկում (մոնիթորինգ) և հետնախագծային վերլուծություն, ինչը թույլ կտա հիմնադրույթի գործունեության ընթացքում վերլուծել և դիտարկել համայնքների զարգացման իրատեսական սցենարները՝ քաղաքաշինական փաստաթղթերում ներառել տնտեսության զարգացման առավել իրատեսական ոլորտներ՝ տարածաշրջանի բնապահպանական պահանջների, նորմերի և սահմանափակումների համադրմամբ ապահովելով մարդու առողջության, բնականոն զարգացման և բնառեսուրսների ռացիոնալ օգտագործման հիմնախնդիրները:

Փորձաքննական պահանջ

Հիմնադրույթային փաստաթղթի շրջանակներում նախատեսվող գործունեությունների ծրագրային և նախագծային փաստաթղթերը՝ մինչև իրականացումն անհրաժեշտ է ՀՀ



Օրենսդրությամբ սահմանված կարգով ներկայացնել շրջակա միջավայրի նախարարություն՝ շրջակա միջավայրի վրա ազդեցության փորձաքննության:

ԵԶՐԱԿԱՑՈՒԹՅՈՒՆ

«Հայնախագիծ» ԲԲԸ կողմից ներկայացված Վայոց ձորի մարզի «Վայոց ձոր-1» միկրոռեգիոնալ մակարդակի համակցված տարածական պլանավորման փաստաթղթերի (ՄՄՀՏՊԺ) շրջակա միջավայրի վրա ազդեցության ռազմավարական գնահատման հաշվետվության վերաբերյալ տրվում է դրական եզրակացություն, վերը նշված պահանջի պարտադիր կատարման պայմանով:

Գլխ. մասնագետ՝



Հ. Մկրտչյան